

Iso tamna macurang 'una-- sikuurapɔ mataa rai'un

una cani taniara, esi mingane cani sikuurapɔ muukusa na rai'un
tamnato'urua, pasiin sikuurapɔ rai'un makasi, “ mama'ari ku sii, ka'anɔ ku
ma'icɔpɔiikasɔ, ka'anɔ iikasɔ maraa mintasɔ iku. tavarɔ'u kara kasɔ neni
kusai mintasɔtamna 'iintasɔ musu? tavarɔ'u iikasɔ 'uruupaca 'anuka musu
rumariasɔ,'uruupaca anisi musu rumara'isi, nakai, isi ia manasɔ makai
serupaca nanakɔ na ma'anungu mataa cau cucumeni. makaa'una ku maakari
iikasɔ, 'apaco'e, iku ia maraa mintasɔ kasua. noo ka'anɔ iikasɔ potucucuru
isi ia, arumuanaan pa kitamacangini! neni tia savai! ”

makasua cu, arapipining sikuurapɔ isi makai, “ ɤɤ! ”, “ ɤɤ! ” riang
misee, mucapici mingane na tina'an rai'un, rumara'isi rai'un tamna
tarako tangɔca,cimi'in mataa tina'anin sua ka'anɔ nipokuncu to'onaa.
nimaritanamɔ rai'un'uruupaca nguain tamna 'anuka rumariasɔ mataa
marivurɔ sikuurapɔ, mataaravasuvaakɔ takacicin, muiarɔ ara'akia cu
nguain tamna 'iintasɔ. makaavura,savai cu sikuurapɔ rai'un, esi mingangane
na patɔkɔ paracani “ ɤɤ! ” riang makai cani savai, mingane 'acecu.

nakai, musu'uruu'uru sikuurapɔ muca no'onan, ka'anɔ miaranau,
matapari'i nguain na ringee patɔ, makaasua cu, kɔnɔn cu patɔ, kanganiin

takacicin sua nguain tamna ramaang mataa 'incu, makasi, “ sua miakaka isi
ia nitikiriimtakacicin! sua iku ia, tavarɔ'u matiananai cani macangini mataa
tavarɔ'u savai ucani marɔkurapɔ tatia, nakai, naru'u! niaraka maku masini,
panaan sii, kuraiti'ingai patɔ isi maa. ”

noo tavarɔ'u kita tarakanaang takacicin mataa cau cucumeni ia,
ka'anɔ kita muruvuarɔ macangini mu-iri, noo 'apurangrang kita ia, paira
roimi sua masiirarunatia kamanɔnga, ka'anɔ tavarɔ'u mataangiri miaacara
takacicin, pairamaricuvucuvungu 'ituumuru 'apitarɔ. sikuurapɔ isi sua
tisikara 'una ia, panaan sii, tavarɔ'u nguain tarakanaang rai'un tamna aka
to'onaa mataa nguain tamna mamanɔng to'onaa, iimua, 'apaco'e
nipatanganai Ra'ani marɔkurapɔ kisaɔn sua rai'un ia, ka'anɔ pa
tavarɔ'u sumasanai. poiri pa pokariikari, miaa savai sikuurapɔ rai'un ia,
pacɔpɔcɔpɔngɔ takacicin, mamangngana nguain tamna 'iintasɔ, panaan
sii, 'apurangrang cucuru, roimi una 'ituumuru 'apitarɔ na to'urua,
musikarɔto'onaa mamacai.

伊索寓言－蚊子和獅子

有一天，蚊子飛到獅子面前說：「我並不怕你，你也不比我強。

如果你懷疑的話，就讓我們戰鬥看誰贏吧！」

蚊子發起嗡嗡的號角，叮着獅子的鼻孔和臉部其他沒毛的地方。

獅子嘗試用牠的爪子撕裂蚊子、重擊牠，直到精疲力盡。蚊子戰勝了獅子。

不久，蚊子被蜘蛛網纏住，最後被蜘蛛吃了，牠感嘆自己的命運說：「災禍是我造成的！我可以戰勝巨大的野獸，却被蜘蛛所毀滅。」

知己知彼百戰不怠，得意忘形，疏于防範會招來橫禍。蚊子知道獅子的弱點、自己的長處，所以獅子不是牠的對手。但當牠戰勝百獸之王，因過于自負，忘記眼前的災禍，陷落死亡。

本故事啟示我們，過於自負的人，常被不起眼的人事物擊敗，就是「螳螂捕蟬，黃雀在後」，只顧眼前的利益，往往會忘記潛在的危機，就是這個道理。